

Hvor er eet da en himlens gaew  
aa væer sund aa rask aa hæ nøj aa laew,  
hver eneste maaer aa kan lett sin anker  
aa mæ en gerning beskæft sie tanker,  
for saa aa spõt i æ næver aa stram æ sener  
i glee aa arbejd en dagværk forene.

Æ tenker po dem, hvor moe de væer streng  
der oer etter oer er bojen te en seng,  
som aldrig fuer pien kan væer glaa aa fri,  
men bestandig skal stekkes aa skjæres i,  
som bare etter bejring aa lindring higer  
for ijen aa sie æ feber den stiger.

Vi gyer vos bekymring øver dit aa dat  
de mjest er narreværk aa ussel pjat.  
Der er et de som folk et wæl gyer for peng,  
endda der er ingen der ved hvorlæng  
vi i det hele taget faar lov aa træk æ wejle.  
- Der er ingenting der som beregninger fejler.

Lær' wos lær aa ta waaer po hver minut  
faer nuer ved aæet, kan de hile væer slut,  
om osse vi mo slid aa slæb aa døev,  
da aldrig aa glæem den kunst aa løev,  
- Der er ingen der haaer lowed eller gien dæ patent  
i maaer æ kanske dæe eller mæ patient.

K.E.Thomsen.